

हेली म्हारी निर्भय रहीजे रे,
दुनियादारी औगणकारी जाने,
भेद मत दईजे रे,
हेली म्हारी निर्भय रहीजे रे ॥

इण काया में अष्ट कमल हैं,
इण काया में हो,
ओ इण काया में अष्ट कमल,
ज्योरी निंगे कराइजे ए,
हेली म्हारी निर्भय रहीजे रे ॥

सत री संगत में,
सत संगत में बैठ सुहागण,
साच कमाइजे ए ए ए,
हेली म्हारी निर्भय रहीजे रे ॥

धन में गरीबी,
मन में फकीरी,
धन में गरीबी हो ओ,
धन में गरीबी मन में फकीरी,
दया भावना राखिजे ए,
हेली म्हारी निर्भय रहीजे रे ॥

ज्ञान झरोखे ए ए,
ज्ञान झरोखे बैठ सुहागण,
झालो दर्ईजे ए ए,
हेली म्हारी निर्भय रहीजे रे ॥

त्रिवेणी घर,
तीन पदमणी ,
त्रिवेणी घर हो ओ त्रिवेणी घर,
उने जाए बतालाईजे रे,
हेली म्हारी निर्भय रहीजे रे ॥

सत बाण पर अ अ,
सत बाण पर सत बाण पर,
बैठ सुहागण,
सीधी आईजे ए ए,
हेली म्हारी निर्भय रहीजे रे ॥

हरी चरणों में शीश झुकाईजे,
हरी चरणों में हो ओ,
हरी चरणों में शीश झुकाईजे,
गुरु वचनों में रहीजे ए,
हेली म्हारी निर्भय रहीजे रे ॥

कहेत कबीर सुणों भाई साधू,
शीतल होइजे ए ए,
हेली म्हारी निर्भय रहीजे रे ॥

हेली म्हारी निर्भय रहीजे रे,
दुनियादारी औगणकारी जाने,
भेद मत दईजे रे,
हेली म्हारी निर्भय रहीजे रे ॥

Singer : Prakash Mali
Submitted By
Prakash suthar
8290041606

Source: <https://www.bharattemples.com/heli-mhari-nirbhay-rahije-re/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>